



HEZKUNTZA SAILA
Lanbide Heziketako Sailburuordetza
Teknologiaren eta Ikaskuntza Aurreratuen
Zuzendaritza

DEPARTAMENTO DE EDUCACIÓN
Lanbide Heziketako Sailburuordetza
Teknologiaren eta Ikaskuntza Aurreratuen
zuzendaria

EBAZPENA, 2022ko urtarrilaren 20koa, Teknologiaren eta Ikaskuntza Aurreratuen zuzendariarena, ERASMUS+ programako Lanbide Heziketaren eremuko jardueretan parte hartzen duten irakasleei egiaztatuko zaien ordu-kopurua zehazten duena.

Europako Parlamentuaren eta Kontseiluaren 2013ko abenduaren 11ko 1288/2013 (EB) Erregelamenduaren bidez, Erasmus + 2014-2010 programa sortu zen Europar Batasuneko hezkuntza, prestakuntza, gazteria eta kirolaren eremuan, askotariko hezkuntza-proiektuetan irakasleen parte hartzea bultzatzeko hainbat ekintza eta ekimen gauzatzeko.

Hezkuntza, Hizkuntza Politika eta Kultura Sailaren egitura organikoa eta funtzionala ezartzen duen apirilaren 11ko 79/2017 Dekretuak 18. artikuluan dio Teknologiaren eta Ikaskuntza Aurreratuen Zuzendaritzari dagokiola, besteak beste, Hezkuntza-sistemako Lanbide Heziketari dagokionez, programa europarretan eta Batasuneko ekintzetan parte hartzeko beharrezko ekintzak sustatu eta bultzatzea, bai eta Lanbide-heziketako irakasleentzako etengabeko prestakuntza-planak diseinatu eta aplikatzea; eta kontuan hartuko direla eguneratzea eta espezializatzea ere.

Beraz, eginkizun horiek betez, Teknologiaren eta Ikaskuntza Aurreratuen Zuzendaritza da organo eskuduna Erasmus+ programako Lanbide Heziketaren eremuko proiektuetan parte hartzen duten irakasleei egiaztatuko zaizkien prestakuntzako eta berrikuntzako orduak aitortzeko ziurtagiriak emateko.

Horrenbestez, hau

EBAZTEN DUT

LEHENENGOA.- Xedea

Ebazpen honen xedea da Erasmus+ programako Lanbide Heziketaren eremuko jardueretan parte hartzen duten irakasleei egiaztatuko zaien ordu-kopurua zehaztea.

BIGARRENA.- Aplikazio eremua.

Ebazpena nori aplikatuko zaion:

1. Ebazpen hau **2020-2021 ikasturtean** Erasmus+ Programako jardueretan parte hartu duten Eusko Jaurlaritzako Hezkuntza Sailaren kudeaketa-eremuko ikastetxeetako Lanbide Heziketako irakasleei aplikatuko zaie. Programa horren onuraduna eskabidea aurkeztu duen araubide juridiko pribatuko erakundea izan beharko da.
2. Erasmus+ proiektuetan parte hartzen duten irakasleen parte-hartzea ziurtatuko da, horien onuraduna honako hau izanik:
 - a. proiektuaren onuraduna lan egiten duten ikastetxea bada.
 - b. hezkuntza-agintaritza bat bada.
 - c. beste hezkuntza-erakunde mota bat bada.



HIRUGARRENA.- Egiaztatze-irizpide espezifikoak.

Aurreko atalean adierazitako eskakizunak betetzen dituzten irakasleek eskatu beharko dute orduak egiaztatzeko, eta honela egingo da:

a. «Erasmus+ - 1. Ekintza gakoa (KA1) - Pertsonen mugikortasuna, ikaskuntza dela-eta» proiektuetan parte hartzen dutenak.

Hezkuntzaren, prestakuntzaren eta gazteriaren arloko mugikortasun-proiektuak KA1.	
a.1. Partzuergo baten koordinatzailea.	50 ordu ikasturteko.
a.2. Erakunde bateko mugikortasun-proiektuaren koordinatzailea.	35 ordu ikasturteko.
a.3. Prestakuntza-ikastaro egituratu bateko partaidea.	Ikastaroko asistentzia-ziurtagirian agertzen den ordu-kopuruaren arabera.
a.4. Praktika onak behatzeko jarduera bateko partaidea.	5 ordu eskola-eguneko.
a.5. Atzerriko erakunde bateko irakaskuntza-jarduera bat garatzeko mugikortasun-jarduera bateko partaidea.	<ul style="list-style-type: none"> – 8 ordu eta 12 ordu arteko irakaskuntza, 20 ordu asteko. – 13 ordu eta 25 ordu arteko irakaskuntza, 25 ordu asteko. (Kontuan hartuta asteko gutxienezko 8 eskola-ordu dela, eta prestakuntzarako denbora hartu beharko dutela, beste hizkuntza batean seguru asko.)

b. «Erasmus+ - 2. Ekintza gakoa (KA2) - Praktika onak berritzeko eta trukatzeko kooperazioa» proiektuetan parte hartzen dutenak.

Hezkuntzaren, prestakuntzaren eta gazteriaren arloko elkarte estrategikoak KA2.	
b.1. Elkartearen koordinatzaile orokorra.	60 ordu ikasturteko.
b.2. Elkartearen koordinatzailea Espainiako erakundearen.	45 ordu ikasturteko.
b.3. Elkarteko partaidea/kolaboratzailea Espainiako erakundearen.	35 ordu ikasturteko.



LAUGARRENA.- Eskabidea egiteko prozedura.

Txosten bat (I. eranskina edo II. eranskina) aurkeztu beharko da hurrengo informazioarekin:

- Proiektuaren deskribapen labur bat (proiektuaren zk., zer ekintza gako den –KA1 edo KA2–, izenburua, iraupena...).
- parte hartzen duten irakasleen oinarrizko datuak (izen-abizenak, NANA), irakasle bakoitzak proiektuan zer profil duen zehaztuz (koordinatzaile edo partaide/kolaboratzaile), mugikortasunaren iraupena, destinoko herrialdea eta, hala badagokio, zer mugikortasun motatan parte hartu duen (ikastaro egituratua, praktika onen behaketa, irakaskuntza-egonaldia),
- parte-hartze horri buruzko egiaztagiria erantsita eta, irakaskuntza-egonaldiaren kasuan, jarduerak zenbat ordu irauten duen adierazi beharko da.

Txosten hau Erasmus+ proiektuaren koordinatzailearen jarraibideei men eginez egingo da eta eskaera elektronikorekin batera bidali beharko da honako helbide hau erabiliz:

https://www.euskadi.eus/erasmus_irakasle_egiaztapena_20_21/web01-tramite/eu/

Hau egiteko Identifikazio elektronikorako onartutako bitarteko bat erabili beharko da:

<https://www.euskadi.eus/identifikazio-elektronikorako-onartutako-bitartekoak/web01-sede/eu/>.

BOSGARRENA.- Egiaztatze-irizpide orokorrak.

- a. Hirugarren atalean (a.1. eta a.2.) kredituak eskuratzeak ez du eragozten atal bereko beste puntu batzuetan ere kredituak lortzea, baldin eta parte hartzaileak atal bereko a.3, a.4 eta a.5 puntuetako mugikortasuna egiteagatiko eskakizunak betetzen baditu.
- b. 1. Ekintza gakoan (KA1) proiektu batean parte hartzeagatik kredituak eskuratzeak ez du eragozten programa bereko 2. ekintza gakoan (KA2) proiektu batean parte hartzeagatik kredituak eskuratzea.
- c. Edonola ere, gutxienez 90 orduko muga ezartzen da ikasleko ikasturte bakoitzeko.

SEIGARRENA.- Aurkezteko eta zuzentzeko epea.

- a. Eskabideak aurkezteko epea 2022ko otsailaren 28an bukatuko da.
- b. Eskabideak ez baditu betetzen eskatutako betekizunak, hamar eguneko epea emango zaio erakunde interesdunari akatsa zuzentzeko edo beharrezko agiriak aurkezteko. Horrela egiten ez badu, eskaeran atzera egin duela ulertuko da, ebazpena eman ondoren. Hori guztia, Administrazio Publikoen Administrazio Prozedura Erkidearen urriaren 1eko 39/2015 Legean xedatutakoaren arabera.

Vitoria-Gasteiz, 2022ko urtarrilaren 20a.

Sinadura: Rikardo Lamadrid Intxaurreaga

Teknologiaren eta Ikaskuntza Aurreratuen zuzendaria